


友論

西域利瑪竇集錄

全一冊

洋学文庫
文庫8
C 340



友論

大西域利瑪竇集 陳燁然閱

利瑪竇曰吾友非他即我之半乃第二我也故當視友如己焉

友之與我雖有二身二身之內其心一而已相須相佑為結友之由

孝子繼父之所交友如承受父之產業矣

時當平居無事難指友之真偽臨難之頃則友之情顯焉蓋事急之際友之真者益近密偽者益疎散矣

有為之君子無異仇必有善友



交友之先宜察，交友之後宜信。

雖智者亦謬計，已友多乎實矣。

友無多

而實少

愚人妄自侈口，友似有而還無，智者抑或謬計。

友之饋友而望報，非饋也，與市易者等耳。

友與仇如樂與鬧，皆以和否辨之耳。故友以和為本。

為以和微業長大以爭大業消欺。

樂以導和，鬧則失和，友相和則如樂。

仇不和則如鬧。

在患時，吾惟喜看友之面，然或患或幸，何時友無有。

益憂時減憂欣增欣。

仇之惡以殘仇，深於友之愛以恩友，豈不聽世之弱。

于善強于惡者哉。

人事情莫測，友誼難憑。今日之友，後或變而成仇。今日

之仇，亦或變而為友，可不敬慎乎。

徒誠之于吾幸際，其友不可恃也。

脉以左手聽耳，左手不幸際也。

既死之友，吾念之無憂，在時我有之，如可失及既亡。

念之如猶在焉。

各人不能全盡各事，故上帝命之交友，以彼此胥勸。

若使除其道於世者，人類必散壞也。

可以與竭露發予心，如為知己之友也。

德志相似，其友始固。

友也，又耳，彼又我，我又彼。

正友不常，順友亦不常，逆友有理者順之，無理者逆

之，故直言獨為友之責矣。

交友如醫疾然。醫者誠愛病者，必惡其病也。彼以抹病之故，傷其體，苦其口。醫者不忍病者之身，友者宜忍友之惡乎？諫之諫之，何恤其身之逆，何畏其額之威？友之譽及仇之訕，並不可盡信焉。

友者於友處處時一而已，誠無近遠內外面背異言異情也。

友人無所善我，與仇人無所害等焉。

譽我，我或因而加謹。

友者過譽言之害，較仇者過訾言之害，猶大焉。

友人譽我，我或因而自矜，仇人

視財勢友人者，其財勢亡，即退而離焉。謂此不見其初，友之所以然，則友之情遂渙矣。

友之定於我之不定事，誠之可見矣。

爾為吾之真友，則愛我以情，不愛以物也。

交友使獨知利己，不復顧益其友，是高賈之人耳，不可謂友也。

小人交友如放，惟帳計利幾何。

友之物皆與共。

交友之貴賤，在所交之意耳。特據德相友者，今世得幾

雙乎。

友之所宜相宥有限。

友或負罪，惟小可容，友如犯義，必大乃棄。

友之樂多於義，不可久友也。

忍友之惡，便以他惡為己惡焉。

我所能為，不必望友代為之。

友者古之尊名，今出之以售，比之於貨，惜哉。

友於昆倫通，故友相呼謂兄，而善於兄弟為友，友之益世也，大半財焉。無人愛財為財，而有愛友特為友耳。

今也友既沒言而諂諛者為佞，則惟存仇人，以我聞真語矣。

設令我或被害於友，非但恨己害，乃滋恨其害自友發矣。

多有密友，便無密友也。

如我恒幸無禍，豈識友之真否哉。

友之道甚廣濶，雖至下品之人，以盜為事，亦必以結友

為黨，方能行其事焉。

視友如己者，則遊者通，弱者強，患者幸，病者愈，何必多言耶，死者猶生也。

我有二友相訟於前，我不欲為之聽判，恐一以我為仇也。我有二仇相訟於前，我可猶為之口判，必一以我為友也。

信於仇者，猶不可失，况於友者哉。信於友，不足言矣。友之職，至於義而止焉。

如友寡也，予寡有喜，亦寡有憂焉。

故友為美友，不可棄之也。無故以新易舊，不久即悔。既友每事可同議定，然先須議定友。

友於親惟此長焉親能無愛親友者否蓋親無愛親
親倫猶在除愛乎友其友理焉存乎

獨有友之業能起

友友之友仇友之仇為厚友也

吾友必仁則知愛人
知惡人故我據之

不扶友之急則臨急無助者

俗友者同而樂多於悅別而留憂義友者聚而悅多
於樂散而無愧

我能防備他人友者安防之乎聊疑友即大犯友之道
矣

上帝給人雙目雙耳雙手雙足欲兩友相助方為事

有成

友字古篆作爻即兩手也可有而不可無朋字古篆
作羽即兩羽也鳥備之方能飛古賢者視朋友豈不

矣

如是
耶

天下無友則無樂也

以詐待友初若可以籠人久而詐露反為友厭薄矣

以誠待友初惟自盡其心久而誠孚益為友敬服

矣

我先貧賤而後富貴則舊交不可棄而新者或以勢

利相依我先富貴而後貧賤則舊交不可恃而新

者或以道義相合友先貧賤而後富貴我當察其

情恐我欲親友而友或踈我也友先富貴而後貧

賤我當加其敬恐友防我踈而我遂自處於踈也

夫時何時乎順語生友直言生怨

視其人之友如林，則知其德之盛；視其人之友落，如
晨星，則知其德之薄。

君子之交，友難，小人之交友，易，難合者難散，易合者
易散也。

平時交好，一旦臨小利害，遂為仇敵，由其交之未出於
正也。交既正，則利可分，害可共矣。

我榮時請而方來，患時不請而自來，夫友哉。

世間之物多各而無用，同而始有益也。人豈不如此耶？
良友相交之味，失之後，愈可知覺矣。

居染塵而狎染人，近染色，難免無污穢其身矣。交友

惡人，恒聽視其醜事，必習之而浼本心焉。

吾偶候遇賢友，雖僅一抵掌而別，未嘗少無裨補，以
洽吾為善之志也。

交友之旨，無他在彼善長於我，則我效習之；我善之於
彼，則我教化之。是學而即，學兩者互資矣。如彼善

不足以效習，彼不善不可以變動，何殊畫日相與
遊譖，而徒費陰影乎哉？

使或人未篤信斯道，且修德尚危，出好人醜，心戰未決，

於以剖釋其疑，安培其德，而救其將墜，計莫過於交

善友。蓋吾所數聞所數觀，漸透於膏，豁然開悟，誠若

活法，勸責吾於善也。嚴哉君子，嚴哉君子，時雖言訢
未及，怒色未加，亦有德威以沮不善之為與。

教教而即

否

爾不得用我為友而均為嫵媚者。

友者相褒之禮易施也。夫相忍友乃難矣。然大都友之皆感稱己之譽而忘忍己者之德何歟。一頭我長一頭我短故耳。

人人不相愛則耦不為及。

臨當用之時俄識其非友也。愍矣。務來新友戒毋誼舊者。

友也為貧之財為弱之力為病之藥焉。

國家可無財庫而不可無友也。

仇之饋不如友之捧也。

世無友如天無日如身無目矣。

友者既久尋之既少得之既難存之或離于眼即食之于心焉。

知友之益凡出門會人必圖致交一新友然後回家矣。諛諂友非友乃偷者偷其名而僭之耳。

吾福祉所致友必吾災禍避之。

友既結成則戒一相斷友情情一斷可以姑相著而難復全矣。玉器有所黏惡于觀易散也而寡有用耶。

醫士之意以苦藥療人病諂友之向以甘言長人行不能友已何以友人。

智者欲離浮友且漸而違之非速而絕之。

欲以眾人交友則繁焉。余竟無冤仇則足已。

彼非友信爾。爾不得而欺之。欺之至。惡之之效也。

永德永友之美。餌矣。凡物無不以時久為人所厭。惟

德彌久。彌感人情也。德在仇人。猶可愛。况在友者

歟。

歷山王

大西城
古總王

值事急躬入大陣。時有弼臣止之曰。事

險若斯。陛下安以免身乎。王曰。汝免我於詐友。且

顯仇也。自乃能防之。

歷山王亦冀交友。賢士名為善諾。先使人奉之以數

萬金。善諾怫而曰。王既吾以茲。意吾何人耶。使者

曰。否也。王知夫子為至廉。是奉之耳。曰。然則當容

我為廉已矣。而麾之不受。史斷之曰。王者欲買士之

友。而士者毋賣之。

歷山王未德。總值時無國庫。凡獲財厚。頌給與人也。

有敵國。富盛。惟事務克庫。譏之曰。足下之庫在

於何處。曰。在於友心也。

昔年有善待友而豐惠之。將盡李家產也。傍人或問

之曰。財物畢與友。何留於己乎。對曰。惠友之味也。

對曰。留惠友之冀也。意愧異而均美。

古有二人同行。一極富。一極貧。或曰。二人為友。至密矣。實

法德。古者名賢聞之曰。既然。何一為富者。一為貧者哉。友

之物皆與共也。

昔有人求其友以非義事而不見與之曰苟爾不與我
· 所求何復用爾友乎彼曰苟爾求我以非義事何復
用爾友乎

西土之一先王曾交友一士而腆養之於都中以其為
智賢者日曠弗見陳諫即辭之曰朕乃人也不能
無過汝莫見之則非智士也見而非諫則非賢友
也先王弗見諫過且如此使值近時文飾過者當
何如

是的是北方國名俗獨多得友者稱之謂富也
客力所西國王名以匹夫得大國有賢人問得國之所行大
旨曰惠我友報我仇賢曰不如惠友而用恩俾仇為

友也

墨臥皮古聞上者折開大石榴或人問之曰夫子何物願獲
如其子之多耶曰忠友也

友論終

文化八年辛未冬十二月廿一日寫之

此失叔子年少時所自抄距今六十年蓋
叔子時年十七矣

姪 裕後

時明治庚午冬日

